



乾隆鄆縣新志

(清)

汪以誠  
孫景烈  
纂修



本書六卷，據清乾隆四十二年  
(一七七七)刻本影印。

鄆縣新志序

嘗聞阮亭王氏言近世鄆縣志無愈秦者以其文簡事覈  
猶有黃圖決錄之遺而於康對山武功志外卽推王羨波  
鄆志洵鉅識也余自乾隆甲午攝鄆篆卽訪羨波鄆志原  
本意欲重刻以公同好不可得次年聘武功太史孫酉峰  
先生王明道書院講席先生至鄆亦卽以羨波鄆志爲問  
余復懸重價購之終不可得今所存鄆志不知其於羨波  
原志若何增刪無從讐校第以對山武功志律之所謂文  
簡事覈者安在且如對山鄆志序云云者安在也况錯訛  
假僞比比乎益自羨波創志後續修者毀其原刻屢續而  
屢失其法則鄆志之宜作而不可再續審矣西峰先生深  
於志法者其所評對山武功志及所撰郃陽志皆爲潛心  
斯道者共賞若欲彙集古今爲鄆新志以章

鄆縣新志

新序

一

聖朝文獻并考據文獻之在明以前者使羨波之書已失  
如未之失舍先生其誰歟余以是請於先生者再四先生  
不得已遂任其事然先生年踰古稀講學之餘精力少減  
不欲率爾也自丙申春二月操觚至冬十有一月下浣始  
脫志稿而先生尚自謂不愜於心辭講席仍挾志稿歸今  
春家居重經筆削乃漸次寄來且囑余請正於撫憲秋帆  
畢大中丞而後授之梓人志凡八篇其文簡以馴其事覈

以括其法之有倫如一篇焉觀目序亦忠於午顧其義例  
又各詳見諸篇中非微始終觀之恐未易知其精蘊茲特  
略序作志之由以俟知者知之僉俟也日羨波原志出時  
一比觀焉則古之作者與今之作者其相及否俱可知矣  
余不敢爲阿好之言也

乾隆四十二年夏五月既望知西安府鄆縣事江寧汪以  
誠撰存書

鄆縣新志

新序

二

鄠縣舊志序 二首

漢陂先生既為鄠縣志時南舉公王堯封字伯圻號南舉定興人宏治乙丑進士

在陝西撫堂聞之取其稿付知西安南埠李侯名文昇北直寧山衛

人刻之以傳謂志者記也記其地之沿革風俗異宜與政

教文獻之大畧爾顧世多昧焉弗知猥繁冗雜漫不足視

刻是志所以啓後之作者使知方也而民之疾苦役之繁

簡政之得失官師之淑慝咸於是乎具之又所以昭鑒戒

慎從違其訓遠矣李侯承命唯謹遂付之梓人刻將成漢

陂公起云漢陂先生此可公字可省下同以書抵予謂予當序諸首予惟鄠

古豐鎬之地周之王京其故蹟遺墟雖父老弗本集知也作无

鄠縣新志 舊序 一

况其文獻乎予每以語漢陂公冀亟為之乃南舉公有此

佳舉豈非斯本集作是地之一幸乎遂序其歲月於首以示鄠

之後賢君子知所自云嘉靖十二年癸巳正月念又一日

甲子許西山人康海序

鄠劉侯有事中南過余偏園則謂余曰余將為鄠志余曰

獨不有王太史九思之書乎公曰志言之屬也使言者言

不若使身者言也王太史言者也而不佞則身者也且志

以志其時與事也王太史不能逆夫今也故不佞欲增於

太史者也余曰然則又獨不有王令尹九舉之書乎公曰

志又史之屬也史以記事事貴詳史以為文文貴簡王令

尹之為志是欲詳於王太史而失之冗者也故不佞又欲

損於令尹者也余聞而稱善久之公之志成則發使以示

余余受而讀之而嘆焉夫鄠之為邑其地則周豈鎬漢上

林其事則毛詩司馬遷班固類能言之而其善則在公之

志乎粵自建國分郡以來建置無常百千餘年治民事神

故典以具作建置志第一建置不當在地理之前沿革明矣旅山中

南亦曰敦物導豐及滂以入於渭原隰藪澤民實利之唯

是彈丸之域居中而治作地理志第二曩易見矣自文王

遷王季於南山江漢汝墳實化斯邦焉漢之林苑因秦舊

陽黃音倍竹書紀年帝孔甲畋於黃山漢宣帝甘露二年行幸黃陽宮黃又音附隋宮唐園黍黍

鄠縣新志 舊序 二

離離作古蹟考第三湮鬱表矣在書神禹之分九州雍賦

中下鄠以抽繭析及米鹽兼之地震山崩當事貴人用魏

瑩之術久假不歸民力告竭長民者憂之作田賦志第四

苦窳睹矣設官分職異於建侯事居送征莫不傳舍視之

加意於民瘼者亦有留召父當作伯之棠而永峴山之石作

官師表第五廉貪昭矣鄉舉里選明經射策之制興而士

挾其才以取世資十室之邑賢仁代庀俸選舉志第六民

譽著矣其間有不世出之士砥德修名川流岳峙垂於無

窮雖遷客與婦人不乏特立作人物志第七卓行彰矣曹

子桓之言曰文章經國大業不朽盛事旨哉其言實啓作

者序記詩歌厥體雖異要之或指陳政事或托興山川皆足以備太史之採而飾吏治之偏者也作文苑考第八第九述作成矣道派既分乃有九流釋氏西來羽流競起渡杯乘鶴於焉僑迹而顯異作異教考第十論議存矣至於滄海爲田不勝遷徙故其地古或然而今不然物怪人妖疑信相參吾猶及史之闕文也而於此有存而弗刪作雞肋集第十一緒言周矣凡爲卷十一爲目四十有四大要增於王太史者十之五而損於王令尹者十之六作者之事則纒纒然而其文則彬彬然是所謂身之者之言而非但言之之言也夫劉侯之立言也如其治治必殫其心力

鄆縣新志



舊序

三

之所及而言必徵必信後之身是邑者其取而覽之於以致治蔑以加矣是爲序萬歷戊午秋九月望日中南敦物山人趙嶠子函父撰

鄆縣新志目錄

武功孫景烈孟揚編  
江寧汪以誠樸存閱

卷之一

地理第一

卷之二

建置第二

卷之三

田賦第三

官師第四

鄆縣新志



目錄

一

風俗第五

卷之四

人物第六上

卷之五

人物第六下

卷之六

選舉第七

雜記第八

序曰志法首地理次建置古今作者大較然矣地之山川形勝天作也而疆域古蹟亦茲地已具者述地理第一城

郭學校官廡神祠均地理中建置事述建置第二諸建置  
為民也民以田為生有田則有賦故田賦編次第三教養  
斯民者官師也故官師編次第四官師能移風易俗故第  
五曰風俗風俗成而人物興故第六曰人物人物多以選  
舉顯故編次選舉第七懼其疎也以雜記終焉凡八篇而  
斯邑之志其殆庶幾足徵矣乎

鄂縣新志

目錄

二

鄂縣新志卷之一

地理第一

夫郭志始於地理而不自天文分去聲野始者舊志言之矣  
蓋謂禹貢雍去聲州天文井鬼是其分野而入井度者則有  
雲中定襄鴈門代郡太原入鬼度者則有上黨井鬼非徒  
秦分也矧茲鄂邑上應天文特徵辰耳復何侈陳之有乃  
若疆域形勝山川與夫鄉閭古蹟皆地理所已具是可首  
志者

疆域廣四十里袤五十里

東西曰廣南北曰袤

北至咸陽縣界

二十五里以渭水為界西北至興平縣界二十里以澇水

鄂縣新志

卷之一

一

為界西至盩厔縣界十里以灰渠為界西南至長安縣界  
百里此以終南山中分屬之地為界非謂壤地也南至本  
縣終南山二十里或三十里遠近殊焉東南至長安縣界  
百里亦以終南山中分屬之地為界東至長安縣界三十  
里以澧水為界東北至長安縣界三十里以兩縣所建之  
廟為界四境合而終南拱於前清渭達其後左則澧川奔  
湧右則澇水潑回蓋自古形勝名區而山水之在境內者  
可詳志矣

鄂之南境皆山也其山東接長安西接盩厔皆為終南今  
首志終南於左其隨地異名最著者自西而東以次附

終南山舊志三輔黃圖

明盧陵郭子章云此書或謂出梁陳間或謂出漢魏間新安程泰之

辨其有唐邑名直以為唐書

云終南橫直關中西起秦隴東徹藍田相

去八百里既高且廣多出物產故禹貢曰終南博物也博

物也者即東方朔傳所謂出玉石金銀銅鐵豫章檀栢而

百工可以取給萬民可以仰足者也

牛首山相傳在縣西南故今志羣山自此起然知其傳之

誤矣山海經

唐虞時伯益著晉郭璞注

注云今長安西南有牛首山三

輔黃圖甘泉宮有牛首山元和志

唐李吉甫著

牛首山在縣西

南二十三里南接終南在上林苑中鄠舊志云南有萬仞

層山而有小洞在其下宛若牛伏左右兩泉相傳為牛乳

鄠縣新志

卷之一

二

首東枕清流尾西蟠峻嶺其東為天齊廟下為金峰寺寺

內有牛跑泉唐僧一行住錫於此又東為牛心嶺選鋒臺

樊家山嶺上有晉王池

華陽山即華陽峪諸山也其最高者曰將軍山

白雲山在縣南二十里檀峪內縣脉所自起也舊志云山

與縣對其下有白雲觀老子泉

蓮花山在曲峪內

圭峰在白雲山東與重雲寺對舊志云其形如圭又有小

圭峰在草堂寺東其相近為太平峪

了髻山在縣南二十五里舊志云山分岐似髻故名其相

近有旨壁崖壁一作壁

鷄頭山在縣東南三十里十六國春秋云秦苻生棄長安

欲西上隴山士卒散盡遂入鷄頭山雍勝畧形似鷄頭故

名俗呼為小武當山縣冊云在太平峪西

萬花山亦在縣東南三十里舊志云在太平峪中

紫閣峯白閣峯黃閣峯俱在縣東南三十里杜甫詩紫閣

峯陰入漢波岑參詩東望白閣雲半入紫閣松雍勝畧紫

閣峯在縣東南旭日射之爛然而紫其形上聳若樓閣然

白閣陰森積雪弗融賈漢復通省志三峯相距不甚遠又

太頂峯凌霄峯羅漢峯俱在三閣東縣舊志云內有羊圈

鄠縣新志

卷之一

三

崖月天菴魚盤嶺

唐白居易宿紫閣山北村詩云晨遊紫閣峯暮宿山下村村老見予喜為予開

一尊舉杯未及飲暴卒來入門紫衣挾刀斧草草十餘人

奪我席上酒擊我盤中殮主人退後立斂手反如賓中庭

有奇樹種來三十春主人惜不得持斧斫其根口稱采造

家身屬神策軍主人慎勿語中尉正承恩明王九思黃閣

峯詩云在苒老將至幽奇寡探索蜀於黃閣峯乃在紫閣

北白閣峙其南飛瀑經其側陰暉殊氣象巖巒絕特嘉

名久沉匿勝概棄莫觀予聆王生言煩囑頓揮滌滌遊

目天南隅恨乏凌風翼躡屐挾賓侶危巖處可陟

子房山舊志在紫閣峯北有黃石洞相傳為張良辟穀處

山下有寶林寺前有寶林塔湧鉢泉慧蘭庵入聲疑慧

蘭祖師避靜處山外有大圓寺明嘉靖乙卯建以任僧即

子房庄又有萬軍寨相傳漢高祖訪子房屯兵於此

多病即道引不食穀杜門不出及立蕭何相國留侯曰願棄人間事欲從赤松子遊耳乃學避穀道引輕身高帝崩後八年卒舊志所載子房遺蹟豈好事者因道引辟穀之說而附會之歟

雲際山在縣東南六十里東接長安界長安志有大定寺杜甫詩夜半月歸雲際寺

五林山舊志未言其處

水出於山而流與峙異勢也故分志焉其泉澤陂池諸水皆附之

渭水在縣北三十里自盤屋縣流入又東入長安界水經

鄠縣新志

卷之一

四

注漢乘欽撰北魏酈道元注渭水自合渭水又東合甘水又東豐水南

來注之縣舊冊云渭水自興平界流來至縣之元村東北十五里入咸陽境

甘水書孔傳馬融云甘有扈南郊地也又水名今在鄠縣

西長安志宋龍圖學士宋敏求著所志皆闕秦之跡甘谷水在縣西南二十二

里北流入興平界渭水雍大記明何景明著甘水出鄠縣南甘

谷書曰啓與有扈戰于甘之野即此地也至甘河鎮合於

渭

澇水澇一作澇在縣西關外其源詳見澇峪北流入咸陽界山海經牛

首之山澇一作澇水出焉相傳牛首山在縣西西流注於澇

水通志今澇水入于虛賦上林苑有澇澇李善注澇水即澇水也顏師古注澇音牢出鄠縣西南山澇谷水經注澇

水出南山澇谷北逕漢宜春觀又東北逕鄠縣故城西際城北出合漢陂水又北流入於渭長安志澇水至鄠縣北

之元村入渭

按澇峪有東西二水其源各別東澇源出秦嶺逕八里坪

行三十里始與西澇合為一水自峪口逕縣西南熊家堡

伏流十里至羅什堡始見而山海經所云牛首之山澇水

出焉西流注於澇水者其東澇之分派歟未可知也

檀水寰宇記出終南山檀峪即長樂渠上源

鄠縣新志

卷之一

五

栗水出栗峪發源於清涼山入於澇又引入白公河

皂水出皂峪亦入於澇又引入呂公河

漢陂水在縣西五里水經注漢陂水出宜春觀北東北流

注澇水十道志唐梁載言著本五味陂陂魚甚美因名之說文

漢陂在鄠縣周十四里北流入澇水長安志漢陂出終南

山諸谷合胡公泉為陂唐寶歷二年勅漢陂令尚食使收

管不得雜人採捕其水令百姓澆灌勿令廢碾磑之文

宗初詔金還府縣明劉士龍富平人漢陂記山谷之水金白

沙胡公諸泉合而北注漢陂受之自陂頭南至曲抱村可

數里許高岸環堤一泓蕩漾層巒疊嶂影落數百頃波濤

平陂以南純浸山此實際語也縣舊志云陂在縣西又有

錦繡溝即漢陂之上遊自瓜牛臺北而下至漢陂二里許

元季以陂魚可治痔漏遊兵決堤取之陂遂廢其地皆為

水田明崇正己卯知縣張宗孟重加障築胡公泉及泉上

胡公廟見本篇後唐杜甫漢陂行云岑參兄弟皆好奇攜

萬頃堆琉璃琉璃汗漫泛舟入事殊與極憂思集龍作鯨

吞不復知惡風白浪何嗟及主人錦帆相為開舟子喜甚

無氛埃鳥鷺散亂掉調發絲管啾啾空翠來沉竿續縵深

莫測菱葉荷花淨如拭宛在中流渤澥清下歸無極終南

黑半陂以南純浸山影動裏宛冲融問船舷曉雲際寺

水面月出藍田關此時驪龍亦吐珠馮夷擊鼓羣龍趨湘

如漢女出歌舞金支翠旗光有無咫尺但愁雷雨至蒼

茫不曉神靈意少壯幾時奈老何向來哀樂何其多

呂公河北人稱流水概曰河非不知水名各別蓋誤以水

郭縣新志 卷之一 六

誤舊志內如此者在縣東舊志云明萬歷中知縣呂仲信

甚多不能盡改也引檀谷皂谷及阿福泉諸水逕縣東關北折而西遠城入

滌水人謂之呂公河知縣白應輝又鑿栗谷直谷諸水為

新河引流入呂公河人亦謂之白公河是後知縣冷大蒙

濬之明末知縣張宗孟復引滌水自白雲山逕天和村羅

什寺至南關外入新河及城壕民享其利未幾淤塞

國朝康熙間知縣康如璉重濬之乾隆己巳知縣李文漢

亦濬之今堙廢留心水利者不沽名不自用當知所盡力

矣明有邑人張宏襟白公河記畧曰呂公河發源於檀皂

波臣之口故聽其淤不復疏耳白公尋一線之故道於葛  
草埋沒間督工疏通是為萬歷癸丑季春之朔更慮賜旱  
不均厥水弗繼捐俸鑿栗谷之山關直峪之壘引水自南  
郭旁同入呂公河湧湧而下流派不絕以觀厥成且沿堤  
樹柳萬餘勢如藩屏邑人咸舉手加額喁喁然歌無疆之  
澤也計濬河之田可引灌數百頃古云民不可與慮始而  
可與樂成於茲益信又有邑令大蒙修河記畧曰余承  
乏郭社適鄉紳象南張先生以省親里居每為余言邑東  
南舊有呂公河歲久湮滯白公承而新之斯水不獨便民  
灌漑實與文運相關今復就壘亟宜濬導之余乃乘公餘  
與先生徐步南山之澳察其原委高下見有皂峪泉停毓  
淵泓可引而長因時不涸爰屬邑佐王君力肩其任督工  
開初深濶各三尺許自方勝村起而天和村陳兵坊因勢  
疏鑿計十里與白公河匯遂遠城而歸併於滌焉後之繼  
余而令者倘亦心余之心乎余竊有厚幸矣又邑人陳璋  
有康令重修呂公河記畧曰呂公河發源檀皂峪白公踵  
修之冷公再踵修之歲久潺湲清湍化為綠草平蕪歷百  
年來守斯土者未有過而問焉河之存焉者名耳邑令康  
公惓惓以修濬斯河為急乃巡行故河由末探原鑿石以  
廣其流引渠以達其過高者平之隙者壅之壅者疏之狹

郭縣新志 卷之一 七

者擴之不傷財不害民不逾月而功告成猗歟休哉若公

者可謂知先務矣于時審察形勝力至其議則康君宏祥

指畫地宜力贊其成則王君邨而往來督工共襄其事者

則嚴尉泰也後又有邑人王勅所撰邑令李文漢新開渠

道

三里河舊志中原渭曲與仁三里地稱沃壤奈無水利時

有亢旱之災知縣張宗孟自南滌店迤南引滌水寬二丈

深八尺逕滌店鎮各村節分渠口至龍臺坊入渭其經始

也每地十畝出夫一名每十名分一甲每地一項作一區

挨次使水改旱田為水田共挑過南北滌店地四十三畝

官給價六十三兩糧以首地頂補

論曰聞土人云三里河者有名無實之舉也自始至今廢

塞已久斷不可踵而開矣余因其見通志及縣舊志姑仍之為好事釣名者戒

扈陽谷水一名在縣東二十里北流入咸陽界古水經注

扈水上承扈陽池十道志扈水今名馬腹陂縣舊志鄠南

化羊谷有水出焉或本名扈陽訛為化羊也其水流至咸

陽界為泥渠之上源

豐水一作豐在縣東三十里流逕長安入咸陽界書經

禹貢澧水攸同孔傳漆沮入渭澧水所同同之於渭詩經

大雅豐水東注維禹之績毛箋堯時洪水豐水亦汜濫為

害禹治之使入渭東注河老子豐水深十仞而不受塵垢

鄠縣新志

卷之一

八

金鐵在中形見於外漢書地理志澧水出鄠縣東南北過

上林苑入渭漢書音義澧水出鄠縣南山豐谷元和志豐

水自縣東南終南山發源北流逕縣東二十八里又北流

入渭長安志豐水出長安縣西南五十五里終南山豐谷

源濶十五步其下濶六十步水深三尺縣冊自紫閣而下

逕秦渡鎮北入渭劉士龍渡澧詩云參差萬壑共爭奇十里晴嵐已閣眉更是詩思清絕處蕭蕭

風雨渡河時思去聲此處宜用平聲字

太平谷水及高冠谷水冠一作觀俱在縣東南三十里長安志

太平谷水濶七步深二尺高觀谷水濶三步深一尺其底

金碎沙石北流入長安縣界合豐水寰宇記太平谷水一

名林谷水源出終南山即清水渠之上流今分為眾流長

安境分以灌稻田縣舊志太平谷中有鳳池即水之源也高

三渠觀谷水其源即出高觀谷谷有石穴石潭潭最靈旱禱輒

應

胡公泉在縣西南十里丈八村泉上有廟以祀胡公或曰

吳公俱無考廟碑誤矣舊志泉東北流溉田千頃其水不

竭竭則歲乃大旱

白沙泉舊志在割耳庄劉士龍云白沙泉色如銀而加湛

味如飴而加冽

沒豬泉舊志在縣東南二十里孫姑村長安志在縣東南

鄠縣新志

卷之一

九

俗傳有野豬沒而為泉圖經曰按說文豬亦豬也水所停

曰豬禹貢雍州有豬野今鄠實終南之隈沒汨沒也蓋泉

澤即水所停耳俗神之非也

阿姑泉在抱峪山下舊志水甚甘冽有阿姑廟為祈嗣之

所通志作阿谷泉又謂此泉無考疑即入澇水之阿福泉

俱誤

冷泉舊志在縣東南雙庄其餘不名者尚有十數泉皆以

溉田民賴之焉

牛首池張揖字稚讓清河人魏博士有司馬相如傳解曰在上林苑西頭司馬

相如上林賦曰濯鷄牛首郭璞註曰牛首池在澧水邊

八部澤長安志在縣東南十八里元和志在縣東南五里  
周廻五十里

龍臺澤元和志在縣東北三十里周廻二十五里澤中有

馬祖壇寰宇記龍臺澤一名觀水在豐水西北

滿池樂樂音薄長安志在縣東北二十八里周三里縣舊

志即高水上源東北流入長安縣馮席村

水注谿者谷也谷音欲谷有山有水而論者又謂有水曰

谿無水曰谷山水既分志谷但志其內外形勢并遺蹟可

矣鄠谷著名者十有三焉

澇峪在縣西南三十里源分東西二澇東澇之源見前澇

鄠縣新志 卷之一 十

水西澇發源天牢與東澇合處今名兩澇有百丈碕音區

水疾匡傾曰碕又曰險路名墨山音亦作岫字與音差或讀去聲山

至土嶺四十里土嶺至峪口三十里漢書郊祀志宣帝時

鄠縣有勞谷五牀山祠水經注澇水出南山澇谷縣舊志

云去澇峪二里有支鍋潭潭南有臥龍石桃花溝磨石溝

瓦統溝仙人橋化廟灣有仙人碑不能到又有十八盤銀

洞溝朝陽洞沿峪兩岸則西蓋東鄠分界也張士奇曰峪

內苦竹溝八里坪犁轅坪楊家庄土田金肥美明時居民

幾千家兵燹後無復存矣  
按舊志韓城郃陽作廂販木者多由其中每廂出口大水

漂木有漂入居民地內者木客與訟大為居民之累

澇峪東有馬峪亦在縣西南二十里馬峪東三里曰栗峪

山坡有藥王洞舊志峪內有馬連岔車轆坡石牆溝逃軍

庄東夾溝西夾溝峪口至黑龍大王嶺約三十里為秦府

地

皂峪亦在縣西南二十里舊志云峪內有東平溝西平溝

三倉厥子房洞兵溝鐵樓溝黃土坡又石門有仙人跡將

軍石山口至上銀洞溝三十里秦府地

與皂峪相近者直峪也西接栗峪山坡有明陽寺大悲寺

新興寺

鄠縣新志 卷之一 十一

抱峪有寶泉寺寺西北即阿姑泉

檀峪有老君菴鬪鷄臺錦鷄臺五里坡李靖泉

曲峪黃柏峪鳥桑峪附在縣南三十里舊志云峪內有石灰洞蒿

平潭石青洞斑鳩嶺上至一碗泉嶺相近有黃柏烏桑二

峪黃柏峪內有土地嶺絕頂有金山寺鳥桑峪內有仙人

橋長仙洞觀音淬赤干嶺水東北流入於渭

太平峪其西山即圭峯也有長嘯洞藥王洞黃崖洞寄馬

莊草坪山外數里有重雲寺在峪口王太史九思曰寺南

五代梁開平五年京兆僧智暉建時有祥雲疊出衆峯間  
遂名曰重雲唐明宗賜名長興明正統年修寺東壁有  
吳思溫畫唐太宗與三峪外有太平宮隋建見唐書地理  
藏元英祖師對譚圖志在草堂寺東即

唐高祖避暑宮宋程明道先生遊此有記見第八篇今作真武廟

神水峪在縣東南三十五里舊志云峪內有睡佛洞

高冠峪亦在縣東南三十五里峪內西有廉士巷舊志云

有高冠潭老君渴倉頭岔樓禪寺即草石壁為前朝縣令

祀高冠峪龍潭留憩題名者游城南記張禮高冠峪在紫

關東

諸峪皆古蹟所在而鄆之古蹟多矣有必不可湮者特志

諸峪之後餘則隨其所在志之亦博雅君子所當知也古

今咏懷紀事詩文可傳者各附其下建置篇做此一切濫

觴之作無自入焉故不別為藝文志

鄆縣新志

卷之一

十二

夏有扈氏國孔安國曰甘有鄆春秋左氏傳夏有扈豐

父亭書甘誓蔡傳甘地名有扈氏國之南郊也在扶風鄆

之商崇國史記崇侯虎王季陵戰國策云魏惠王死葬有

期更日太子曰勿復言惠公駕而見太子曰昔王季歷葬

於楚山之尾樂水齧其墓見棺之前和文王曰嘻先君必

朝百姓皆見之三日而後更葬史記周本紀皇甫謐注云

葬鄆縣之南山舊志云陵在漢陂西護陵地為民侵占知

縣王九阜從公丈量陵內地共九畝八釐內除陵塚占地

二畝一分五釐實有護陵空地六畝九分三釐門外西南

角地一段該地五釐永為拋荒復將墻垣四角并門兩旁

俱立封堆埋界石仍刻碑置儀門外春秋致祭○國策註

灤流也和棺兩頭木張朝張幕如朝廷然○按和廣

韻作麻玉篇作周豐宮舊志一名豐宮在豐水西去縣三

稱皆云棺頭也周豐宮十里文王都豐史記紂囚西伯于

美里閔天之徒求美女奇物善馬以獻紂乃放西伯賜

崇侯虎而作豐邑詩曰既伐于崇作邑于豐朱傳崇國名

在京兆府鄆縣伐崇之後自岐遷都于豐武王繼文雖遷

于鎬而每遇大事如伐商作洛之類皆步自宗周以其事

告于豐廟不敢專也書曰夏四月王來自商至于豐左傳

曰康有豐宮之朝則康王雖仍都鎬而其受朝仍在豐地

是亦循武王宗豐之意也杜預曰鄆在鄆縣東火錄注曰

鄆在鎬西相靈臺文王閣劉向新序云周文王作靈臺及

去二十五里靈臺文王閣劉向新序云周文王作靈臺及

為池沼掘得死人之骨吏以聞于文王文王曰更葬之吏

曰此無主矣文王曰有天下者天下之主有一國者一國

鄆縣新志

卷之一

十三

之主寡人者死人之主又何求遂令吏以衣冠更葬之天

下聞之皆曰文王澤文枯骨又况于人乎魏王泰括地志

云辟雍靈沼無復故基惟靈靈沼靈園舊志距豐大社舊

臺介然孤立今臺址尚存靈沼靈園宮十五里大社舊

在故梓雍亦曰璧離王制天子曰辟雍註辟明也雍和也

豐之水旋如璧以節觀者一云辟雍如璧之圓圍之以水

象教化流行也按三輔會要云在長安西四十里灃岸上

周公退老明農之鄉史記周公退老明農於豐○按周書

洛之後凡七年而薨也據此秦蕢陽宮舊志在縣西三里

秦王政九年嫪毐作亂族遷太后於蕢蕢蕢蕢宮舊志在

陽宮父老相傳今陂頭東嶽宮即其舊址甘泉宮鄆縣西

南二十里對甘泉谷本紀曰始皇諸廟及章臺上林皆在

渭南已而更名為極廟道通鄆山作甘泉前殿甬道自咸

陽屬之則甘泉前後必近上林即鄆縣也○按唐書地理



見唐書孝友傳序但云京兆某某而不知郭縣實隸京兆  
遂謂唐書及郭人對俱遺郭縣割股孝子姓名因託辨墓  
以郭儀竄其中計亦狡矣至所辨孝義坊塚其高大與公  
侯等或係公侯之塚或係旌門之聚土而土人訛傳為孝  
子墓郭縣既無郭又偏東曰霹靂堡塚東即裴敬菴見  
儀姑存疑焉可也 又偏東曰霹靂堡塚東即裴敬菴見  
氏心敬有八 南羊村郭村即寧勢團偏西曰洪洞菴即寧  
村人修菴記 俗名邪里 一為寧強團留村八里曰小寨堡  
權團寧羗堡 又偏東曰西羊村東羊村石村又偏西曰北付村  
又偏東曰西羊村東羊村石村又偏西曰北付村 南北中  
原寺 古名白雀寺明萬歷三十 奇家堡黃付村有青 十里  
曰崔村三 一為寧慶團又偏東曰李伯村 三堡舊志順治  
得唐惠泰軍夫人墓誌云 即寧治團偏西曰趙王村十三  
郭縣長樂鄉李伯智村 里曰陶官寨又偏東曰許官寨野口村即寧勇團牙道里

鄆縣新志

卷之一

十六

三槐道村真花衛宜都村偏西曰禮賢庄 東西 坨塔頭十  
五里曰均河村 東西 一即寧久團偏東曰真守村 南北西  
一為寧民團 邑人張提學宏襟 十王村 有勝光寺寺內有  
五年王守村趙倫村鑿齒村即寧固團 有道安寺舊志道  
重修 柳人資性穎異襄陽習鑿齒其先藉安高名符堅伐晉得  
二人曰吾南伐得一人半蓋謂道安一人習鑿齒半人也  
後至秦建元二十一年卒土偏西曰復興寨 俗名黃 魯家  
寨勞店鎮 南北 北即寧澤團有城隍廟勞店橋 高逾太史  
萬歷四十六年邑庠生劉芝募修選貢劉九成有 二十里  
記乾隆二十五年水漲冲崩二空二十六重修 二十里  
曰雙槐堡偏東曰小王店即寧勝團大王鎮 東西 一為寧  
福團有城隍廟吳村即寧保團偏西曰馮村馬營堡姚村

南北二堡中有禹王廟明嘉靖乙 三過村 縣志郭古崇國  
丑邑舉生王惟肖有增修 獻殿記 三過村 縣志郭古崇國  
治水九年功用不成舜攝位 舜于羽山而舉其子禹以  
代禹痛父罔功克自勤斷八年間三過其門而不入今三  
過村即二十一里曰留南村偏東曰程家灣偏西曰滑曲  
其處也 坊三堡有洪覺寺通志在滑澇之間水 祁村 南北  
光接天曰名明天順宏治間重修 祁村 南北  
遠團二十三里曰定周村 南北 偏東曰付村 南北  
元村 一為寧義團二十六里曰龍臺坊為寧眾團即龍  
臺觀 舊志上林賦登龍臺掩細柳方輿記在豐水西北近  
疑即其故址舊有龍 又有馮祖壇 舊志在龍 偏東曰北宋  
村二 西亂庄堡 東界 二十八里曰康王村三十里曰興仁  
堡

鄆縣新志

卷之一

十七

西鄉凡村四十有三內舊團堡七 崇正九年知縣張宗孟  
于西鄉曲抱村團額以永保康 西關南北二堡關門上為  
三官閣閣前即太史橋明嘉靖壬寅漢陂王太史創修陝  
西巡撫趙公廷瑞 有記 靈勝即古豐鎬之地有澇山水  
者關中八水之一山海經云牛首之山澇水出焉是也其  
水自山下徑流二十里許過縣城西為津又十餘里北入  
於滑津孔道西走鳳漢東走會省城每歲夏秋之交霖潦  
齊至波濤山立決旬弗落百里之人暨行客之往來者思  
之縣人漢陂于養高郭杜之間賄茲嘆嘆甚而欲為石  
梁者久矣嘉靖庚子之歲其族有材諸王諸者獻計曰澇  
河非石梁不可久幸茲歲登閭閻無事太史公若倡義舉  
之可不煩官府而成矣漢陂于乃置酒召城中大姓數人  
為首領次四鄉又次蓋屋之接壤皆有方者各數十人聞  
召無後期至者乃舉陂告之授之規畫眾曰王先生老矣  
尚為承濟之圖吾儕小人敢不從事是年十月農務罷眾  
約伐石於山均出車運之津瑞明年辛丑之春會予有事

於新橋丁夫以萬計鄂當三十人美破子遺縣人詣臺懇  
曰爾橋之役無鄂之夫不為若鄂人赴溺上則澇河之  
工病矣予遂令有司調鄂之夫鄂人聞之皆謹趨澇水之  
次又明年壬寅夏五月澇河石橋告成以高計丈有六尺  
廣三丈六尺長二十五丈有奇總十空遠近之人道者大  
悅而吏於茲土者拱手受成若罔知焉漢破子喜曰此吾  
鄉人之材力胥成之也吾何力之有於是鄂父老議以王  
太史倡此義事吾等老後世子孫誰復知橋之所自蓋刊  
之以石以永垂示漢破子乃自叙其事託長安張比部孟  
獨請予文記之趙子曰橋梁有司之職也而乃俾一方耆  
碩率其里人自為之長吏者愧矣雖號曰太史橋可也漢  
破子當敬皇帝在御之九年舉進士為翰林檢討正德初  
遷吏部郎中與慶陽李獻吉汝南何仲默武功康德涵金  
名海內今年七十有六歲耄修罔怠猶健不廢著作雖  
其經濟不克宏施而不忘世之志每於言議發之若此  
橋者可以畧規其所存矣漢破子姓王氏名九思字敬夫  
居漢破之上自號漢破山人後五年丁未重修王太史有  
學者稱之曰漢破先生云

鄂縣新志

卷之一

十八

國朝康熙六年丁未知縣劉文燦重修四十四年乙酉知

縣張世勳重修邑豐川王氏心敬記云入澇水自南山來北

而下者為東西往來孔道有橋舊矣而石橋之建則自先  
太史漢破公倡建于明嘉靖之壬寅自後凡三加修補迄  
于今距創始之日蓋已百六十年而去四修之日亦幾五  
十年矣日久之就圯行道歎嗟歲之酉秋八月邑令君燕湖  
張侯式蒞茲邑始事於西郊則目觀而心惕曰此橋賴  
若是以失今不治萬一明秋霖潦後將有費十倍難為力  
然以秋之功難施也踰春為丙戌侯乃大合邑之紳士  
黎而謂之曰橋工必不可緩顧事公事也今余欲計操  
輪若紳衿之義捐則多寡惟心可乎余曰善侯于是擇  
作備捐眾而授事與捕廳朱君又時時親臨而相視者無  
間早暮故自始事以至訖工為日僅百有三十而數十年  
不易成之工乃告成于一旦及秋果霖雨浹月河水崩  
倍常歲而橋獨得無恙于是邑之紳士耆黎咸嘖嘖謂  
曰匪是修也橋豈能至於是且非我侯預見之明哉定之  
於余余曰昔周大夫過陳見其橋梁道路不治而規其國

之必撤又十一月成往杜十二月成與梁子與氏亦以為  
君子平政之宜先治及後世長民者且以此等事為民間  
事非官與也而遺置若罔聞向使吏人土者悉心民瘼若  
侯則安見古之良法不可盡行于今又使未雨綢繆早見  
而預決盡若侯之于此橋天下又安有不易為之事而不  
可救之禍者且使國家變理宏化與利除害皆得如侯之  
明決推誠而任之安在事難於謀始而功敗于垂成者  
是役也以之為鄂則澤在百年以之規侯且可得經濟之  
大畧也余既喜侯能擇患于未至復惜侯以大才僅此小  
試而且願後之官茲地者視一切興廢舉頽勿殫其難勿  
緩于圖一如侯之見利即興見害即除橋頭有寺有西河  
亭在寺北四楹後有室亦四楹乾隆辛未邑士 距縣二里  
民創建知黃州府王勃記其事于石今廢  
曰西坡 南北又偏北曰河頭 南北即永和團三里口破  
頭 西南為永興團 知縣張宗孟有修西即王季陵 蹟見古北  
即東嶽廟為秦黃陽宮舊趾東即漢破有石橋王太史九

鄂縣新志

卷之一

十九

思漢破鎮重修石橋記云 漢破鎮在縣西三里許人有數

破頭云鎮之西南七八里有胡公廟廟下泉水湧出東北  
流灌溉肥稔之田又合諸泉水流于鎮之東南鍾而為陂  
空洞潤遠可行舟楫唐杜子美詩所謂半陂以雨純浸山  
者是已陂魚美可已痔漏故名之曰漢破云漢字從水後  
人加之也元末兵起盜劫堤岸取魚其水散出流為數支  
不復為陂矣其一支北流經鎮之東復轉而東流入于澇  
水當鎮之路衝處為津岸高不可徑涉昔人築石為橋一  
巨空以便行者屢敝屢修至是復敝鎮民馬榮輩修之既  
成告于縣令西平王君君曰美事也不可無記其請諸漢  
破太史云予少年時聞父老言成化已亥鎮人楊公諱通  
孫焉今者舊石記乃成化甲辰鎮民馬敬輩為之絕無一  
言及于楊公不知其何說也即成化甲辰鎮民馬敬輩為  
靖甲辰六十有一年矣往來車馬殆無虛日橋之敝壞無  
益固功始于甲辰冬十月越明年乙巳春二月功告成首  
有四人者出焉何慮乎橋之或敝也夫此漢破者關中之

與區也自有子美之詩而其名益著海內蒙傑諸君之士  
想慕風景思一遊賞不可得宋元祐間縣令張君俊嘗築  
空翠堂于嶺之東南岡上自為記刻諸石堂今廢而石存  
焉每一登眺南山蒼翠舉在目前風景萬狀難以其述予  
非鎮人也心切愛之嘗自謂漢陂山人云自罷官歸里舍  
踰三十年老且衰矣苦于賞乏不能買一畝之田架數椽  
之屋倘得共問以賞吾與塵鞅束縛不能脫去可鄙可笑  
不獨困于費焉爾矣故于石橋之作因併述之以誌吾過  
坡上有空翠堂 宋張俊空翠堂記云余昔時嘗聞士大夫  
氣象清絕為最佳處及讀杜工部所賦詩行愛其語大而  
奇益欲一往遊之以慰所聞道阻且長斯願未遂每以為  
恨宣和元年冬被命為邑於有恩而所謂漢陂者實其西  
郊焉于是始得償夙昔之願時往遊觀翠峯橫前修竹蔽  
岸澄波浸空上下一碧信乎其氣象清絕為關中山水最  
佳處也陂之北岸有堂舊矣久弗加葺棟宇傾摧來遊者  
所大非其宜因顧從吏而詢其故乃知自清平建軍縣  
而距邑為遠遠者不喜修近者不得修歲月既久浸成敝

鄂縣新志

卷之一

二十一

壞瓦木之類至為小人攘竊而莫之問可不惜哉述四年  
春二月以寒食休暇率聯事諸公會於陂上四相與為議  
曰漢陂之地雖在他邑而頃者漕臺移營令吾邑就近  
管轄此堂不修無罪鄰邑亦吾邑之過也吾邑到官日久  
行且受代後來君子謂如不好事何今欲繕完稍加宏壯  
之遊樂可乎諸公欣然咸以為當時故人吳景溫攝政清  
平間其將有是役也亟命工徒共力成就于是增昇補葺  
基趾廓焉去故取新棟宇壯焉前陂虛閣以臨清流後闢  
軒窓以快雄風規度適中不潛不陋氣象具存苟完苟美  
經營于二月之晦斷手于五月之朔升堂遠望豁達無礙  
南山之秀陂水之廣舉日可盡倚歛此堂庶幾不負佳山  
水而吾將東歸為無憾矣乃以五日率諸聯事父邑居士  
大夫置酒以落之是日也小兩乍收微風四起嵐光水氣  
相為氤氳若煙之浮若露之潤有見于簾櫳軒檻間者明  
滅變態不一而止是何清且麗邪酒半坐客共賦杜工部  
詩行感請以空翠名其堂蓋取杜工部詩中語且以誌所  
見也若以陂源之所出漢名之所自與夫汗漫廣大形勢  
瑰偉奇絕之遊觀載在圖經詠于詩史詳矣茲不復云姑  
叙是堂興廢之由刻諸石以示久遠將有望于後之君子

母以此疆兩界距邑遠近強自分別  
而廢前修也○伏陰平聲意所好也 明末知縣張宗孟重  
修有記

國朝康熙庚辰賈觀察銜捐俸屬知縣朱文卿構杜工部  
祠堂有記文卿亦有記 雜記雍正辛亥教諭潼關李滋重

修空翠堂并建崇文閣於堂左有記唐杜甫有與鄂縣源  
大少府宴漢陂詩 應為西陂好金錢一餐飯抄雲子白  
瓜嚼水精寒無計迴船下空愁避酒難

主人情爛熳 又有城西陂 杜詩註 泛舟詩 青蛾皓齒在樓  
持答翠環玕 即漢陂 泛舟詩 船橫笛短簫悲  
遠天春風自信牙檣動遲日徐看錦纜牽魚吹細浪搖歌  
扇燕蹴飛花落舞筵不有小舟能載幾百壺那送酒如泉

岑參與鄂縣郎官泛漢陂詩 萬頃漫天色千尋窮地根舟  
驚蕭管潛蚪傍酒樽 韋應物扈亭西陂燕賞詩 景果朝  
來喧小吏列火燄歸軒

鄂縣新志

卷之一

二十一

悠清波望嘉樹始氣氤春遊方浩蕩况逢文翰侶愛此孤  
舟漾綠野際遙波橫雲分登嶂公堂日為倦幽襟自茲曠  
有酒今盈滿 韋莊過漢陂懷舊詩 辛勳曾寄玉峰前一別  
願言盡宏量 雲溪二十年三徑荒涼  
迷竹樹四隣凋謝變桑田漢陂可是當年事紫閣鄭谷漢  
空餘舊日煙多少亂離無處夕陽吟罷涕潸然  
陂詩 昔事東流去不問春深獨向漢陂來山前別業依然  
蒼苔蒼然四顧難消 宋李駒漢陂詩 見雜 東北有九女塚  
遺祇有伴狂泥酒盃 記 秦二世用趙高之言慘死十  
二公子於咸陽之市死十公至於杜縣塚今落鄂縣漢  
陂其一塚水崩去鄆人相傳為九女塚今又偏南曰孫  
崩其一止餘八塚○砒與礫同音格切音窄 又偏南曰孫  
家礎四一為永寧園有二曲書院遺址 始王徵士心敬為  
日遊其師二曲李徵君頤講學維時學使昆陵高侶高公  
聞其事為之建坊大書二曲書院扁其堂曰斯文未墜嗣  
前令金君廷襄建後堂學使長 五里曰曲抱村即永固園  
洲儼庭陸公為照堂聯今廢

西有玉蟾臺即瓜杜甫有漢坡西南臺詩高臺面蒼坡六月風日冷葉黃

離披去水相與永懷新目似擊接要心已領仿像識鼓人空濛辨魚眼錯磨終南翠顛倒白閣影峭崿增光輝乘

虛龍知歸俗可忽取適事莫金身退豈待官老來苦便靜况資菱芡足歲結茅茨迎從此具扁舟彌年逐清景○漢

善谷口有鄭子真蜀有嚴君平謝靈運詩偶與張邴合注謂張良邴又偏北曰亭子頭音寺偏南曰倫公村東西四

公六里曰水寨堡班竹園三堡有八里曰索家庄三堡又偏南曰石橋寨割耳庄有巢閣白沙偏北曰晉侯村春秋僖

五年冬十有一月壬戌晉侯及秦伯戰于韓獲晉侯左傳秦獲晉侯以歸乃舍諸靈臺杜註靈臺在京兆鄠縣周之

故臺亦所以抗絕令不得通外內今按本村距靈臺約三十里或晉侯曾遊于此故名○晉侯謂懷公秦伯穆公也

南北二堡一為永賴園元王村三堡西即永康園十里曰丈

郭縣新志 卷之一 二十二

八村南北南即永安園有丈八寺元時土人掘得石佛高丈許因名胡公

廟漢泉胡公泉在其東北邑太史王公九思同康侯觀胡

公泉有歌歌云郭西丈八村東側平地湧泉映空碧繞岸

流旱亦不竭潦不溢東北萬頃樹把程歲資灌慨蒙膏澤泉頭廟貌祀胡公歲久傾圮委同春康侯歎息語父老新

廟亟成何煥赫侯來呼我共遊眺匆匆下馬日已夕到羊醜酌安靈畢下走覓泉愁苦石水面綠萍命掃拭雲影天

光可謂盡泉眼磨沸水見沙荇根淘泳鯁與鯽時維二月雨新霽花柳映帶春和拍及泉炎茗試一啜頓覺清風生

雨寂原侯興狂起欲舞笑歌聲激浪花白人言康侯文推世無匹只恐天子召之臺端簪白筆難戀此泉常挾客

又偏北曰三旗里灰渠頭同居者俱格家庄十五里曰龍家

寨水磨頭十八里曰東八十村有紅雷家寨

南鄉凡村八十有九內舊園堡二十有八鎮一南關堡有

關帝廟菩薩廟距城四里曰穆家庄有長觀偏東曰呂公寨

八里曰羅什寺南北北為保善團堡南寺內有碑土財一

想此覆其屢中土於地而生者春華秋實穀內所結似土故名淨土見明一統志

國朝縣學訓導傅龍標詩云芒屨帶得一枝春羅什東來蹟有因無事移根惹嶺外自然挺秀白雲津歷來海宇無

多木七易原身仍一真樹以土偏西北曰瑤子頭東有釣名總是爭禪家妙諦此中尋

臺舊志縣南十里許澗水中流起一洲高二尋有奇名曰釣臺建廟宇繚以欄干堪登眺不知昉于何時明富平

許紅塵一水隔斷自漢陂而外勝無踰此矣臺之西稻畦相錯沿畦皆桃杏間植春來花發紅霞爛熳臨風欲妖照

水增妍光華亂射予遠山姿媚映發于疎柳此余友張克甫所愛而忘返者也余謂克甫此中春事固妙矣至秋冬

之際更難為懷水石清冷兼葭蒼瘦空洲沙明晴雪霽凭欄四望體氣欲仙私為評之春夏荷潤如西湖秋冬淡

郭縣新志 卷之一 二十三

矣如山陰雖四時不同景而各具一妙也昔之垂釣者未詳姓名意其人落落高韻有登眺而會心者我知其意不

在魚矣臺之上最宜虛殿不知何代于此作閣登床架屋殊為障礙今年夏淫潦最漲嚙臺址而閣將傾則澗水善

解人意而無識者猶眷眷于此閣是智不如水也昔告韻八量輸金錢築其基而去其閣周圍作石欄縹之使半畝

之地一片寬閒蔭古柏而設簾藉細草以命鶴摩情隨清流俱條浩歌與空山響答不居然千古超曠之觀也哉

偏東曰南馬營偏東北曰陳兵坊氏歸郭縣別墅散家聚

徒眾處處通鑑綱目柴紹之赴太原也謂其妻李氏曰君公舉兵今偕行則不可留此則及禍奈何李氏曰君第速行

我一婦人易以潛匿當自為計紹遂行李氏歸郭縣別墅散家費聚徒眾淵從弟神通亦在長安亡入郭縣山中與

長安大俠史萬寶等起兵以應淵西域商何潘仁人司竹園為盜有眾數萬劫李綱為長史李氏使其奴馬三寶說

潘仁與之就神通合勢攻郭縣下之神通眾踰一萬以令狐德榮為記室李氏又使馬三寶說李仲文向善志

邱師利等皆帥眾從之狗盤屋武功始平皆下之眾至七萬左親衛段綸娶淵女亦聚徒于藍田得萬餘人各遣使